

اتوار 19 اکتوبر، 2025

مضمون۔ کفارے داعقیدہ

سنہری متن: اعمال 17 باب 28 آیت

”کیوں جے اوہدے وچ ای اسی جیوندے تے ٹردے پھر دے تے موجود آں۔“

جوابی پڑھائی: رومیوں 6 باب 12 تا 18 آیتاں

- 12۔ ایس لئی پاپ تہاڈے فانی بدن وچ بادشاہی نہ کرے پئی اوسہدی خواہش دے بیٹھاں لگ جاؤ۔
- 13۔ تے اپنے اعضاء ناراستی دے اعضاء ہوون لئی پاپ دے حوالے نہ کریا کرو بلکہ اپنے آپ نوں مردیاں وچوں جیوندے جان کے رب دے حوالے کرو تے اپنے اعضاء راستبازی دے ہتھیار ہوون لئی رب دے حوالے کرو۔
- 14۔ ایس لئی پئی پاپ داتہاڈے اُتے اختیار ہووے گا کیوں جے تسی شریعت دے ماتحت نیں بلکہ فضل دے ماتحت او۔
- 15۔ ایس لئی کیہ ہوئیا؟ کیہ اسی ایس لئی پاپ کرے پئی شریعت دے بیٹھاں نیں بلکہ فضل دے بیٹھاں آں؟ بالکل نیں۔
- 16۔ کیہ تسی نیں جان دے پئی جیدی وفاداری لئی اپنے آپ نوں غلاماں وانگر حوالے کر دیندے او اوہدے ای غلام او جیدے فرمانبردار او بھانویں پاپ دے جید انجام موت اے تے بھانویں فرمانبرداری دے جید انجام راستبازی اے۔
- 17۔ پر رب داسکرے پئی بھانویں تسی پاپ دے غلام سی فیروی دلوں اوہدی تعلیم دے فرمانبردار ہو گئے جیدے سانچے وچ تسی ڈھالے گئے سی۔
- 18۔ تے پاپ توں آزاد ہو کے راستبازی دے غلام ہو گئے۔

درسی وعظ

بائبل وچوں

1- زبور 32 باب 1، 2 آیتاں

- 1- دھن اے او جیدی خطا بخش گئی تے جیدا پاپ ڈھک دتا گیا اے۔
- 2- دھن اے اوہ بندہ جیدی بدکاری نوں رب حساب وچ نہیں لیاؤندا تے جیدے دل وچ مکر نہیں۔

2- زبور 85 باب 7 تا 13 آیتاں

- 7- اے ربا! تو اپنی شفقت ساہنوں وکھاتے اپنی مکتی ساہنوں عطا کر۔
- 8- میں سناں گا پئی رب کیہ آکھدا اے۔ کیوں جے اوہ اپنے لوکاں تے اپنے مقدساں نال سلامتی دیاں گلاں کرے گا۔
پراوہ فیر حماقت ول رجوح نہ کرن گے۔
- 9- بے شک اوہدی مکتی اوہدے توں ڈرن والیاں دے نیڑے اے تاں جو جلال ساڈے ملک وچ وسے۔
- 10- چنگیائی تے راستی مل گیاں نیں صداقت تے سلامتی نے اک دو جے داچھ لیا اے۔
- 11- راستی دھرتی وچوں نکلی اے تے صداقت اسمان توں جھانکدی اے۔
- 12- جو کجھ چنگا اے اوہ ای خداوند دیوے گاتے ساڈی دھرتی اپنی پیداوار دیوے گی۔

13۔ صداقت اوہدے اگے اگے چلے گی تے اوہدے پیراں دے نشاناں نوں ساڈی راہ بناوے گی۔

3۔ متی 8 باب 18 آیت

18۔ جد یسوع نے اپنے آل دوالے بوہت وڈھا جتھا ویکھیاتے پار جان دا حکم دتا۔

4۔ متی 9 باب 1 تا 8 آیات

1۔ فیراوہ کشتی اُتے چڑھ کے پار گیا تے اپنے شہر نوں آیا۔

2۔ تے ویکھو لو کی اک مفلوج نوں منجے اُتے پایا ہو یا اوہدے کول لیائے۔ یسوع نے اوہناں دا ایمان ویکھ کے مفلوج نوں آکھیا پتر حوصلہ رکھ تیرے پاپ معاف ہوئے۔

3۔ تے ویکھو کجھ فقیہیاں نے اپنے دل وچ آکھیا ایہہ کفر بک دا اے۔

4۔ یسوع نے اوہناں دے خیال پتا کر کے آکھیا تسی کیوں اپنے دلاں وچ بھیڑا خیال لیاؤندے او؟

5۔ سوکھا کیہ اے۔ ایہہ آکھنا پئی تیرے پاپ معاف ہوئے یا ایہہ پئی اُٹھ تے ٹر پھر؟

6۔ پرائس لئی پئی تسی جان لو و پئی ابن آدم نوں دھرتی اُتے پاپ معاف کرن دا اختیار اے۔ (اوہنے مفلوج نوں آکھیا) اُٹھ اپنا منجاچک تے اپنے گھر ٹر جا۔

7۔ اوہ اُٹھ کے اپنے گھر ٹر گیا۔

8۔ لو کی ایہہ ویکھ کے ڈر گئے تے رب دی وڈیائی کرن لگے جنہے بندیاں نوں اجیہیا اختیار دتا۔

5۔ لوقا 7 باب 36 تا 48، 50 آیات

36۔ تے کسے فریسی نے منتہ کیتی پئی میرے نال کھانا کھا۔ ایس لئی اوہ اوس فریسی دے گھر کھانا کھان نوں بیٹھیا۔

بائبل دا ایہہ سبق پہلین فیملیڈ کرچن چرچ، آزاد اولوں تیار ہو یا اے۔ ایہہ کنگ جیمز بائبل ویاں آیتاں تے میری بیکرا پڑی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیاں اے۔

- 37- تے ویکھو پئی اک بد چلن بُڈھی جیہڑی او سے شہر دی سی، ایہہ جان کے پئی اوہ اوس فریسیے دے گھر وچ کھانا کھان نوں بیٹھیا اے سنگ مر مر دے عطر دان وچ عطر پا کے لیائی۔
- 38- تے اوہ دے پیراں کول روندی ہوئی پچھاں کھلوتی ہوئی اوہ دے پیر اتھر و نواں نال پین لگ پئی تے اپنے سردے والاں نال اوہناں نوں پونجھیا تے اوہ دے پیر چمے تے اوہناں اُتے عطر پایا۔
- 39- اوہ دی دعوت کرن والا فریسی ایہہ ویکھ کے اپنے دل وچ آکھن لگیا پئی جے ایہہ بندہ نبی ہندا تے ایہنوں پتا چل جانا سی پئی جیہڑی اوہنوں ہتھ لاؤندی پئی اے اوہ کون تے کداں دی عورت اے کیوں جے اوہ بد چلن سی۔
- 40- یسوع نے جواب وچ اوہنوں آکھیا اے شمعون میں تینوں کجھ آکھنا ایں۔ اوہنے آکھیا اے استاد آکھ۔
- 41- کسے ساہوکار دے دو قرضدار سی۔ اک پنج سودیناراں داتے دو جا پجاہ دیناراں دا۔
- 42- جدوں اوہناں دے کول دین نوں کجھ نیس سی تے اوہنے دونواں نوں بخش دتا۔ ایس لئی اوہناں وچوں کون اوہ دے نال بوہتا پیار کرے گا؟
- 43- شمعون نے جواب دے کے اوہنوں آکھیا پئی میری سمجھ دے مطابق جنہوں اوہنے بوہتا قرضہ بخشیا۔ اوہنے اوہنوں آکھیا پئی تُو صحیح فیصلہ کیتا۔
- 44- تے اوس بُڈھی ول پھر کے اوہنے شمعون نوں آکھیا کیہ تُو ایس بُڈھی نوں ویکھدا ایں؟ میں تیرے گھر آیا توں مینوں پیر توں نوں پانی نہ دتا پر ایہنے اپنے اتھر و نواں نال میرے پیر پین دتے تے اپنے والاں نال پونجھے۔
- 45- تُو مینوں بوسہ نہ دتا پر ایہنے جدوں دا میں آیاں میرے پیر چمناں نیس چھڈے۔
- 46- تُو میرے سر اُتے تیل نیس پایا پر ایہنے میرے پیراں اُتے عطر پایا۔
- 47- ایس لئی میں تینوں آکھدا آں پئی اوہ دے پاپ جیہڑے بوہتے سی معاف ہو گئے نیں کیوں جے ایہنے بوہتی محبت کیتی پر جیدے تھوڑے پاپ معاف ہوئے اوہ تھوڑی محبت کر داے۔
- 48- تے اوس بُڈھی نوں آکھیا پئی تیرے پاپ معاف ہوئے۔
- 50- پر اوہنے بُڈھی نوں آکھیا تیرے ایمان نے تینوں چنگا کیتا اے۔ سلامت چلی جا۔

6- یوحنا 14 باب 13 تا 13 آیتاں

- 8- فلپس نے اوہنوں آکھیا اے خداوند! باپ نوں ساہنوں وکھا۔ ایہہ ای بوہت اے۔
- 9- یسوع نے اوہنوں آکھیا اے فلپس! میں ایہنے چرتوں تہاڈے نال آں کیہ تُو مینوں نئیں جان دا؟ جنسے مینوں ویکھیا اے اوہنے باپ نوں ویکھیا اے۔ تُو کیوں آکھدا ایں پئی باپ نوں ساہنوں وکھا؟
- 10- کیہ تینوں یقین نئیں پئی میں باپ وچ آں تے باپ میرے وچ اے؟ ایہہ گلاں جیہڑیاں میں تہانوں آکھداواں اپنے ولوں نئیں آکھدا پر باپ میرے وچ رہ کے کم کردا اے۔
- 11- میرا یقین کرو پئی میں باپ وچ آں تے باپ میرے وچ۔ نئیں تے میرے کماں دے پاروں ای میرا یقین کرو۔
- 12- میں تہانوں سچ آکھداواں پئی جیہڑا میرے اُتے ایمان رکھدا اے ایہہ کم جیہڑے میں کرداواں اوہ وی کرے گا بلکہ ایہناں توں وی وڈھے کم کرے گا کیوں جے میں باپ دے کول جاناواں۔
- 13- تے جو کجھ تسی میرے نال توچا ہوو گے میں اوہ ای کراں گاتاں جو پیو پتر وچ جلال پاوے۔

7- رومیوں 5 باب 1، 2، 8 تا 11 آیتاں

- 1- ایس لئی جد اسی ایمان نال راستباز ٹھہرے تے رب دے نال اپنے خداوند یسوع مسیح دے راہیں صلح رکھے۔
- 2- جیدے راہیں ایمان دے پاروں اوس فضل تیکر ساڈی پہنچ وی ہوئی جیدے اُتے قائم آں تے رب دے جلال دی آس اُتے فخر کریئے۔
- 8- پر رب اپنے پیار دی خوبی ساڈے اُتے اینج ظاہر کردا اے پئی جدوں اسی پاپی ہی سی تے مسیح ساڈے لئی مریدا۔
- 9- ایس لئی ہن جدوں اسی اوہدے لہو دے راہیں راستباز ٹھہرے تے اوہدے راہیں الہی غضب توں وی ضرور بچاں گے۔

10- کیوں جے دشمن ہوں دے باوجود رب دے نال اوہدے پتر دی موت دے راہیں ساڈا میل ہو گیا تے میل ہون دے بعد اسی اوہدی حیاتی دے راہیں تے ضرور بچ جانواں گے۔

11- تے بس ایہہ ای نہیں بلکہ اپنے رب یسوع مسیح دے پاروں جیدے راہیں ہن ساڈا میل ہو گیا اے رب اُتے فخر وی کردے آں۔

سائنس تے صحت

1- 18:1-9، 13-14 (۳)

کفارہ رب دے نال انسان دے اکٹھ دی مثال اے، جیدے تحت انسان الہی سچائی، حیاتی تے محبت دا پرچھانواں بن دے نیں۔ یسوع ناصری نے انسان تے رب دے اکٹھ نوں بیان کیتا، تے ایہدے لئی ساڈے اُتے اوہدی بوہت زیادہ عقیدت دا بھارا اے۔ اوہدا مشن انفرادی تے اجتماعی دونوں سی۔ اوہنے حیاتی دا مناسب کم پورا کیتا نہ صرف اپنے انصاف لئی بلکہ انساناں اُتے رحم دے پاروں اوہناں نوں ایہہ دکھان لئی پئی اوہناں نے اپنا کم کینویں کرنا اے، بلکہ نہ تے آپ اوہناں لئی کرن یا نہ ای اوہناں نوں کسے ذمہ داری توں آزاد کرن لئی ایہہ کیتا۔

مسیح دا کفارہ انسان دی رب دے نال نہ کہ رب دی انسان دے نال مفاہمت کرواندا اے؛

2- 19:12-28

مالک نے پورا سچ بولن توں پرہیز کیتا، اوس شے نوں بالکل واضح کر دیاں ہوئے جیہڑی بیماری، پاپ تے موت نوں مکا دیوے گی، حالانکہ اوہدی تعلیم نے گھراں وچ وگاڑ پایا، تے مادی عقیدیاں لئی سکون دی بجائے تلوار چلائی۔

توبہ تے دُکھاں دا ہر احساس، اصلاح دی ہر کوشش، ہر چنگی سوچ تے کم پاپ لئی یسوع دے کفارے نوں سمجھن وچ مدد کرن گے تے ایسہ دی افادیت وچ وی مدد کرن گے؛ پر جے پاپی پاپ کرنا تے توبہ کرنا، پاپ کرنا تے معافی منگنا جاری رکھدا اے، تے کفارے وچ، رب دے نال ایکا کرن وچ اوہدا بوہت گھٹ حصہ ہووے گا، کیوں جے اوہدے وچ عملی توبہ دا گھانا اے، جیہڑی دل دی اصلاح کردی تے انسان نوں حکمت دی مرضی نوں پورا کرن دے قابل بناؤندی اے۔ اوہ جیہڑے، گھٹ وگھٹ کسے حد تیکر، ساڈے مالک دیاں تعلیماں تے عمل دے الی اصول دا اظہار نہیں کر سکدے اوہناں دی رب وچ کوئی شراکت نہیں۔ بھانویں رب بھلا اے، جے اسی اوہدے نال فرمانبرداری وچ حیاتی گزارے، تے ساہنوں کوئی ضمانت محسوس نہیں کرنی چاہیدی۔

3- 20:22-30:27 (انصاف)۔ 31

رب ساہنوں آزمائش وچوں کڈھن لئی جلد باز نہیں اے، کیوں جے پیار دا مطلب اے پئی تہانوں آزمایا تے پاک کیتا جاوے گا۔

غلطی توں آخری رہائی، جیدے میٹھاں رہندیاں ہوئے اسی لافانیت، بے انتہا آزادی، بے گناہ سیان وچ خوش ہوندیاں ہوئے بھٹلاں نال سبھی ہوئی راہ وچوں لنگ کے نہیں ملدی نہ کسے دے ایمان دے بغیر کسے ہو ردی متبادل کوشش نال سامنے آؤندی اے۔ جیہڑا وی ایہہ من دا اے پئی قہر راست اے یا الوہیت انسانی تکلیفاں نال آسودہ ہندی اے، اوہ رب نوں نہیں سمجھدا۔

انصاف لئی پاپی نوں اصلاح دی لوڑ اے۔ رحم بس اوہدوں ای قرض دیندا اے جدوں انصاف تصدیق کردا اے۔

4- 11:23

ساہنوں پاپ توں بچاون لئی سیان تے محبت اپنیاں بوہت ساریاں قربانیاں دا مطالبہ کر سکدی اے۔ اک قربانی، بھانویں اوہ کئی وی وڈھی کیوں نہ ہووے، پاپ دا کفارہ ادا کرن لئی کافی نہیں اے۔ کفارے لئی پاپی دلوں لگاتار

بے لوث قربانی دی لوڑ ہندی اے۔ ایہہ الہی طور تے غیر فطری اے پئی رب دا غضب اوہدے پیارے پتر اُتے نکلے۔ ایہداں دا نظریہ انسان دا بنایا ہویا اے۔ علم الہیات وچ کفارہ اک سنگین مسئلہ اے، پر ایہدی سائنسی تفصیل ایہہ اے پئی دکھ پاپ آلودہ فہم دی اک غلطی اے جنہوں سچائی نیست کردی اے، تے اخیریں ایہہ دونوں پاپ تے دکھ ہمیشہ دی محبت دے پیراں وچ آؤ گدے نیں۔

5- 22-20:24

کیہ الہیات دا ماہر یسوع دے سولی چڑھن دا لحاظ رکھد اے خاص کر کے اوہناں پاپیاں نوں چھیتی نال معافی دیندیاں ہوئے جیہڑے معافی منگ دے ہوون تے معاف کیتے جان لئی راضی ہوون؟

6- 25-22:5

دعا نوں پاپ نوں ختم کرن لئی اعتراف دے طور تے نیں ورتیا جانا چاہیدا۔ اجیہی غلطی سچے مذہب نوں روکے گی۔ پاپ صرف اوہدوں معاف ہووے گا جدوں ایہنوں مسیح، سچائی تے حیاتی دے پاروں برباد کیتا جاوے گا۔

7- 7-1:327

اصلاح ایس سمجھ توں پیدا ہندی اے پئی بریائی وچ قائم رہن والا کوئی سکون نیں اے، تے سائنس دے مطابق چنگیائی لئی ہمدردی رکھن توں پیدا ہندی اے، جیہڑی ایس لافانی سچائی نوں ظاہر کردی اے پئی نہ خوشی نہ پیڑ، نہ کچھ نہ جذبہ مادے توں یا مادے وچ وجود رکھ سکد اے، جد کہ الہی سیان خوشی، پیڑ یا ڈرتے انسانی سیان دی ساری پاپ آلود کچھ دے جھوٹے عقیدیاں نوں برباد کر سکد اے۔

8- 12-1:362

ایہہ لو قادی انجیل دے ستویں باب وچ ایہدے نال منسلک کیتا گیا اے پئی اک واری یسوع کسے شمعون نامی فریسی دے گھر دا خاص پرونا بنیا، اوہ شمعون شاگرد بالکل نئیں سی۔ جدوں اوہ کھانا کھا رہے سی، اک غیر معمولی واقعہ پیش آیا جیویں پئی ایہہ مشرقی پرونا چاری دے فہم وچ رکاوٹ بنیا ہووے۔ اک ”اجنبی بڈھی“ اندر آئی۔ ایس اصلیت نوں نہ جان دیاں ہوئے پئی اوہنوں ایس تھاں تے اجیسے معاشرے وچ، خاص کر کے ربیاں دے سخت قانوناں وچ رہندیاں ہوئے، جیویں پئی اوہ کوئی ہندوا چھوت اے جیہڑی اک اچی ذات والے برہمن دے گھر وڑھ رہی ہووے، ایہہ بڈھی (مریم مگدالینی، جیویں پئی اوہنوں اوہدوں آکھیا جاندا سی) یسوع دے کول اڑی۔

9۔ 363:8 (کیہ یسوع نے)۔7

کیہ یسوع نے اوس بڈھی نوں حقارت دی نظر نال دیکھیا؟ کیہ اوہنے اوہدی عقیدت نوں روک دتا؟ نئیں! اوہنے بوہت شفقت دے نال اوہدی تعریف کیتی۔ تے اجیہا کجھ نئیں ہوئیا سی۔ اوہ سب جان دیاں ہوئے جیہڑے اوہدے آلے دوالے کھلوتے لوک اپنے دلاں وچ سوچ رہے سی، خاص طور تے میزبان دے دل وچ، اوہ پریشان ہندے پئے سی اک نبی ہندیاں ہوئے خاص پرونا چھیتی نال اوس بڈھی دے اخلاقی درجے نوں نئیں جانچ سکیتا تے اوہنوں دور ہٹن نوں نئیں آکھیا، ایہہ سب کجھ جان دیاں ہوئے، یسوع نے اوہناں نوں اک چھوٹی جی تمثیل یا کہانی دے نال ملامت کیتا۔ اوہنے دو قرض داراں دا ذکر کیتا اک نے وڈھی رقم ادا کرنی سی تے دوجے نے تھوڑی، جنساں نوں اپنے اکو ساہو کار و لوں ایس ذمہ داری توں آزاد کیتا گیا سی۔ ”اوہناں وچوں کیہڑا اوہدے نال بوہتی محبت رکھے گا؟“ ایہہ مالک دا سوال شمعون فریسی نال سی تے شمعون نے جواب دتا، ”اوہ جنہوں اوہنے بوہتا قرض معاف کیتا۔“ یسوع نے اوس جواب دی تصدیق کیتی، تے ایخساریاں لئی اک سبق دتا، جیدے بعدوں اوس بڈھی لئی ایہہ شاندار اعلان کیتا، ”تیرے پاپ معاف ہوئے۔“

اوہنے اوہدے الہی محبت دے قرض نوں کیوں معاف کر دتا؟ کیہ اوہنے توبہ کیتی تے تبدیل ہوئی، تے کیہ اوہدی بصیرت نے ایس بے ساختہ اخلاقی شورش نوں بھانپ لیا؟ اوہدے پیراں اُتے عطر لان توں پہلاں اوہنے اپنے اتھر ووال نال اوہناں نوں دھوتا۔ دوجے ثبوتوں دی غیر موجودگی وچ، اوہدی معافی، تبدیلی تے دانش وچ ترقی دی توقع لئی کیہ اوہدا غم موزوں ثبوت سی؟ یقیناً ایس اصلیت وچ حوصلہ افزائی پائی جاندی سی پئی اوہ اک یقینی چنگائی تے پاکیزگی والے انسان لئی اپنا پیار ظاہر کر رہی سی، جنہوں آج تیکر زمین دے سیارے اُتے پیر رکھن والے سب توں چنگے

بندے دے طور تے جانیا گیا اے۔ اوہدی عقیدت بناوٹی نہیں سی، تے اوہدا اظہار اوس بندے لئی ہو سیا جیہڑا جلدای سارے پاپیاں ولوں اپنی فانی وجودیت نوں لٹاؤن والا سی، بھانویں اوہ ایہنوں نہیں سی جان دے، تاں جوں اوہدے کلام تے کماں دے پاروں اوہ ہوس پرستی تے پاپ توں آزاد ہو جاؤن۔

10- 13:497 (اسی)-19

اسی یسوع دے کفارے نوں اوس الہی یعنی موثر پیار دے ثبوت دے طور تے من دے آں جیہڑا راہ وکھاؤن والے یسوع مسیح دے راہیں رب دے نال انسان دے اکٹھ نوں سامنے لیاؤندا اے؛ تے اسی ایہہ من دے آں پئی انسان مسیح دے راہیں، سچائی، حیاتی تے پیار دے راہیں مکتی پاؤندا اے جیویں پئی گلیل دے نبی ولوں بیمار دی شفا تے پاپ تے موت اُتے فتح مندی وچ ظاہر کیتا گیا سی۔

11- 5-1:21

جے تہاڈی ہر روز دی حیاتی تے گل بات وچ سچائی غلطی اُتے فتح پارہئی اے، تے تسی اخیریں آکھ سکدے اوپئی، ”میں چنگی کشتی لڑ لئی اے۔۔۔ میں ایمان نوں محفوظ رکھیا“، کیوں جے تسی اک چنگے انسان او۔ ایہہ چنگائی تے ایہدے وچ حصہ پاؤن والی گل اے۔

12- 30-24:568

بس اک کلمے پاپ اُتے فتح مندی لئی اسی لشکراں دے خداوند دا شکر کردے تے اوہدی وڈیائی بیان کردے آں۔ سارے پاپاں اُتے اک وڈھی جت نوں اسی کیہ آکھاں گے؟ اسمان اُتے ایس توں پہلاں ایہناں مٹھا، اک اُچا گیت نہیں اُپڑیا، جیہڑا ہن مسیح دے وڈھے دل دے نیسٹے تے واضح ہو کے اُپڑدا اے؛ کیوں جے الزام لاؤن والا او تھے نہیں اے، تے پیار اپنا بنیادی تے ہمیشہ رہن والا تناؤ باہر کڈھدا اے۔

روزانہ دے فرض

میری بیکریڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچیاں، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکن اں نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔